

靈寶領教濟度金書卷之二百四十三

育四

靈寶領教濟度金書卷之二百四十三 育四

洞微高士開光救苦真人竊全真授

靈寶通玄弘教水南先生林靈真編

科儀立成品祈禱用

祈禱醮儀

步虛 燒香頌

各禮師存念如法

宣衛靈呪

五星列照 煥明五方 水星却災 木德致昌

熒惑消禍 太白辟兵 鎮星四據 家國利亨

名刊玉簡 字錄帝房 乘飈散景 飛騰太空
出入幽冥 遊宴十方 五雲浮蓋 招神攝風
役使萬靈和與道合真

鳴法鼓二十四通

无上三天玄元始三炁太上道君召出臣身

育四

中三五功曹左右官使者侍香金童傳言玉
女五帝直符直日香官各三十二人出出者
嚴裝闢啓玄壇天帝神君當召此間土地里
域真官正神急上闢啓臣今奉為入齋意以
今陞壇設醮願得

玉清道炁靈寶妙光下降流入臣等身中即
使玄壇清淨內外成真天无氛穢地絕妖塵
琳琅振響十方肅清萬魔不干真誠上徹令
臣所啓速達逕御
太上无極大道至真玉皇上帝御前

請稱法位

具位臣某與臨壇官衆等謹同誠上啓

太上无極大道虛无自然元始天尊妙无上
帝太上虛皇玉宸大道君靈寶天尊妙有上
帝萬變混沌玄元老君道德天尊至真大帝

太上玉皇大天尊玄穹高上帝紫微中天北
極大帝勾陳上宮天皇大帝玉清真王長生
大帝東極青華大帝東華上相青童道君西
靈金母丹皇道君九天生神上帝五靈五老
上帝三十二天上帝太陽炎光鬱儀帝君太
陰皇華素曜元君五方五德星君南辰六闕
延壽星君北極九府延生星君周天二十八
宿星君泰玄樞機三省列相天君天地水三
官帝君北極四聖真君靈寶五師真君九天
諸司真君九天監生司諸位真君天曹諸司

真君天曹掌爵位案仙官十方飛天神王三
天門下三元真君上章詞表靈官三洞四輔
經錄法科諸省府司仙靈官君將吏本靖將
佐護道監壇將吏五嶽五天聖帝東嶽府掌
功名掌爵祿曹僚案掾官吏地府酆都大帝
水府扶桑大帝本派祖玄真師經籍度師真
人州縣城隍司主者當境土地本家司命六
神三界應感一切威靈臣聞職覆職載潛凝
橐籥之中分陰分陽默運權衡之內微妙而
上極無上希夷而高拱彌高道炁彌綸赫赫

金書之耀景靈光洞煥昭昭玉宇之開玄有
感斯通無文不立臣等慶緣宿際昌運欣逢
探囊中紫鳳之書矢心精進究肘後蒼虬之
錄勵志脩持凡有皈投敢忘敷告今醮官某
歲天激越饗帝勤渠萬里閱關官守期膺於

育四

三

帝闕數旬策役職業願選於天朝將指日以
登程合扣時而就道爰陳蘋藻庸罄芻蕘伏
望卑聽不遺蓋高無外珠幢翠葆歲蕤飛下
於紫虛羽蓋霓旌縹緲乘遊於碧落千真翼
乘三界侍軒共歆萬一之忱式副再三之禱

臣不勝激切顙望之至再拜奉迎
聖駕

請聖

初獻

重稱法位

具位臣某與臨壇官衆等謹重誠上啓

三清上聖十極高真圓穹之帝后仙真洞府
之曹僚主執醮筵內外一切真靈臣聞玉緯
森羅共稟清微之令金經煒燁均垂碧漢之
光文班則宰輔公卿武列則陣軍將帥精誠
天上職應人間予奪升沉允藉先人之隱德

疾遲遠近須繇宿世之陰功本雖人謀實由
天就今醮官某兩儀賦質四象流形勵志翻
雲富詩書於筆下潛心拾芥飽學問於胷中
期乘入選之良速證出官之便仰惟熙朝之
選舉每搜廣野之賢良非惟御政以牧民抑
望施仁而惠下迢迢萬里戚戚一家慮刑囚
的劫刃之臨命身與火孛土計羅之守運限
災衰易致願望難從又恐前生今生始劫終
劫六根流蕩十業紛紜人我山高弗念視人
而猶己是非海濶惟知利己以妨人或處事

而設危機或臨刑而用重典愆書五帝咎紀
三官致爵祿之未尋俾功名之尚鬱修齋行
道庸請命於玄虛燒香誦經希流恩於紫禁
凡諸過悞悉賴赦原為監領於懇祈即圓成
於職任敢憑青牘庸染朱毫具有詞文謹當

青四

四

宣奏

宣詞

詞文已露帝聽迪知黍稷非馨昭皇皇而日
監茅茨不剪耀赫赫之時歆伶華奏九成之
音符寶擁千官之仗龍煙繚繞鳳炬輝煌視

聽自民願領克誠之享禍福由己期殫庸敬
之忱百拜屏營一心激越臣不勝虔切俟命
之至

亞獻

重稱法位

具位臣某與臨壇官衆等謹重誠上啓

三清上聖十極高真圓穹之帝后仙真爵祿
之曹僚主執三界內外一切真靈臣聞無聲
無臭之天每監觀於下土不識不知之地惟
通感於上玄故凡陽職之崇卑率自陰班之

升降今醮官某趨朝志切問道心堅戡罪罪
消已拜紫宸之惠祈恩恩浹更希蒼蓋之慈
伏願厄難潛消福禧昭被擔簦負笈棄南國
而趨上都涉水登山朝帝鄉而辭故里即入
熙朝之公選姑為輔郡之卑官三載自虞繇

育四

五

部尉而升州縣九遷有喜由僚佐而進參樞
內陞八座之榮外領十道之貴高牙大纛著
緯績於旂常桓圭衮裳垂元勳於竹帛光榮
宗祖昌大門閭厚德充周享五世四功之盛
陰功昭著表一家九相之崇垂裕後昆流芳

先慶次願闔家長幼均介蕃釐舉室老倪悉
膺純嘏朝夕常聞於樂事夙宵惟耀於歡聲
景星卿雲爲澄清其步武光風霽月俾灌沐
其精神枕簟無虞簾櫳有暇蒙賜如天之福
允臻扣地之祈上願洞輔光明經法流演日

星炳耀雨露沾濡草木順成五穀有豐登之
喜山川輝潤百昌無疵癘之憂澤禽獸以生
全溥蟲魚之樂育沉沉冥路無哭夜之悲聲
寂寂憂關有乘晨之樂意仁周宇宙惠遍堪
輿臣不勝虔懇之至

終獻

具位臣某謹重誠上啓

三清上聖十極高真圓穹之帝后仙靈爵祿
之曹僚主執三界內外一切真靈臣聞事天
以實獻酬已罄於三周饗帝必誠奏對幸殫
於一念天人稱慶幽顯交歡以今日淡河澄
風微漏永前瞻翠節將返景於清虛後矚珠
幢且回光於碧漢萬聖戒嚴而復位群真疑
蹕以旋班臣等控挽無從瞻依徒切仰蒼蒼
之在上雲歛霄衢企奕奕以居中煙橫輦路

臣不勝依戀望恩之至謹稽首再拜奉送

勤且回存神燒香

香官使者左右龍虎君侍香諸靈官當今臣
設醮行道之所自然生金液丹碧芝英百靈

育四

六

衆真交會在此香火爐前今臣學道得道求

仙得仙齋官獲福爵祿咸身十方仙童玉女

侍衛蘭煙傳臣向來所啓速達逕御

太上无極大道至真玉皇上帝御前

寶華號引出

焚燎

靈寶領教濟度金書卷之二百四十三共仗



